



ANIMADVERSIONES

I N

CLASSEM DUODECIMAM

Agentem de Unguentis paginâ 104. & seq.

Paucâ in hac *Unguentorum* Classe occurrunt animadvertenda. Verumtamen quantò elegantius Author in quibusdam eorum præparationibus procedit, tantò enormius in aliis contra genuinam Artis regulam impingit: unde qui in quibusdam graviore occurrunt errores brevibus transiliens, dextram eos evitandi, ac *Unguenta* (quantum fieri potest) *ingredientium suorum Qualitatibus dotata*, componendi normam subjiciam.

In Unguentum Altheæ descriptum paginâ 104.

PRo Unguento de Althea itaque accipiat *Oleum Mucaginum* modo in *Animadversionibus* ejusdem indigitato paratum, & (quantum fieri potest) lento igne invicem cum *Cera, Terebinthina & Resina* liquentur, ac misceantur.

In Vnguentum Apostolorum descriptum pag. 105.

Unguentum hoc præstantius evadet, si loco *Aquæ communis* accipiat *Acetum, & Gummata* à vehementi nimis præscripta colligione vindicentur:

centur: quod facile fiet, si *Gummatibus pulverisatis* (quod hiemali tempore non adeò difficile est) cum *paucò Aceto* moderato calore ad pultis formam redactis ac *Terebinthinae* unitis, invicem mixta *Oleum*, *Lythargyrium*, *Cera* ac *Resina* paulatim immisceantur, ac tandem etiam *Pulveres sequentes*: vel *Gummata pulverisata* (*Bdellium pulveribus ultimis addendo*) modico calore solvantur in *Terebinthinae* uncis duabus & semis detrahendo *Resinae* praescriptae dragmas sex.

In Unguentum Martiatum descriptum pag. 109.

REstè quidem & argutè satis Author in *Unguento* hoc tantam *ingredientium* apertè inter se repugnantium veteris *Compositionis* farraginem, quæ in eundem conspirare effectum neutiquam potest tamquam inutilem & nocivam ablegavit, ea quæ *Qualitatibus* suis symbolisant eidem *Unguento* adaptando; verùm, ubi prudenter *Ingredientium Ametrium* corrigit, turpiter nimis ac imprudenter à Prædecessore desciscens in *componendi methodum* impingit: cum enim ille secundum *Artis* regulam genuinam & *Vegetabilium* *Naturam rerum balsamicarum*, *sulphurearum* ac *fragrantium virtutes infusione sola* ac paucis ebullitionibus in cucurbita clausa factis, in *Unguento* detinere studet, illæ præpostera cas *Codione* penitus fugat, *Unguentum* prædictarum viribus in totum penè exurum elaborans. Conveniet itaque solâ *infusione* ac una alterâve ebullitione in Cucurbita Capitello munita contentum esse, ut *Ingredientium virtutibus* (quantum fieri potest) *Unguentum* commendabile efficias.

In Unguentum Neapolitanum descriptum

pagina 109. & 110.

UT in hoc Unguento *Axungia* recens *Salvie* dotibus imprægnetur, prælitèrit eam cum herba concisa aliquot horarum spatio infundere in Cucurbita clausa; *Axungie* enim aut aliæ res pingues cum succo cuiusdam Vegetabilis ad ejus consumptionem decoctæ nihil, aut certè perparum ab eo virium mutantur, cum *Succi pars aquosa Axungie* numquam sese verè uniat, terrestriorque ejus pars picis instar, post coctionem vasis fundo inhæreat nulla miscibilis arte.

Præterea, si *Vegetabilium Succi* qualitates suas cum *Axungia*, *Oleis*, &c. cocti in illud transfunderent, nondum tamen ejusmodi *Axungia*, *Oleum* &c. totius *Vegetabilis* virtute gaudereti cum (ut in *Animadversionibus in Aquas è Succis destillatas* satis demonstravi) *Succi* plerique expressi numquam *Vegetabilis* sui, ex quo educti sunt virtutes ac qualitates secum integras asportent; sed ab expressione relictum etiamnum Qualitatibus totius turgidum relinquunt, cujus Odor imprimis ac sapor testes sunt.

In Unguentum Nervinum descriptum

pagina 112.

IN hoc viguento solutio *Mastichis*, *Terebinthinae* & *Cere* fiat in vase clauso. Nota etiam, *Bensoinum* solvi posse in præscripta *Terebinthina*, & co mediante *Oleis* & *Axungis* permisceri.

In Unguentum Rosarum descriptum pagina 112.

Unguenti *Rosati* descriptio, quamvis simplex satis existat, duplicem tamen involvit errorem,

rem, ac primum quidem, quo *Rosarum* fragrantia post triplicem infusionem *Axungiae* conciliata per importunam illam coctionem dilapidatur, ei præposterè additur, quippe quæ tota iterum evaporare debet, aliis insuper particulis, quas per trinam Infusionem *Axungia* à *Rosis* contraxit pro vehiculo existens: unde sine Coctione ac libra illa *Aquæ Rosarum* præscripta solâ infusione in Cucurbita clausa paretur Unguentum, post trinam infusionem à subsidente humiditate separandum, dein *Aqua Rosarum* lavandum ad Candoris & Odoris gratiam conciliandam, qui posterior tandem intendi poterit guttulis aliquot Olei Ligni Rhodii.

In Balsamum Lucatelli descriptum paginâ 113.

Balsamum hoc sine Vizo Hispanico præstantius evadet, cum illud inter coquendum evaporans nil post se virium Balsamo relinquat, quin illud etiamnum *Terebinthinæ* partibus subtilioribus spoliât, quod idem fit, (etsi non tam multum) per insulsam illam *Terebinthinæ* cum *Aqua Rosarum* lotionem.



ANI-